

306162

日下舊聞考

第八冊



〔清〕于敏中等編纂

日下舊聞考

第 八 冊

卷百四十一至卷百六十

北京古籍出版社

欽定日下舊聞考卷一百四十一

京畿

密雲
縣二

鮑邱水出禦夷北塞中，南流逕九莊嶺東，俗謂之大榆河。

水經注

〔臣等謹按〕據大清一統志，鮑邱水卽今之潮河。

〔又按〕水經注以濡水爲經白檀，白檀今密雲地，非濡水所經，恭繹御製灤河濡水源考證並御製熱河考，指示酈注之疏，誤以漢書地理志之洹水爲濡水。按洹水今潮河，非濡水也，謹辨其誤於潮河條下。御製全文已恭載欽定熱河志卷內，茲不復綴。

大榆河又東南峽逕安州舊漁陽郡之滑鹽縣南，王莽更名匡德也。漢明帝改曰鹽田，世謂之斛鹽城。西北去禦夷鎮二百里。

水經注

〔臣等謹按〕原書此條及後滑鹽廢縣二條入平谷縣卷內。考水經注原文，大榆河又東南出峽經滑鹽縣南，又南逕僂奚縣故城東，又西南逕獮平縣故城東。是其地形遞次

而南，滑鹽在僥奚之北，僥奚又在密雲東北，至平谷在密雲西南七十里，相去甚遠，境內不應有滑鹽縣地，今據地理沿革表改正。

〔原〕鮑邱水又南逕僥奚縣故城東，王莽更之曰敦德也。

水經注

〔原〕道人溪在縣東北，源發龍門，流經縣界，入於潮河。

方輿紀要

〔臣等謹按〕據大清一統志，潮河發源古北口西北三百里許郭家屯西，古開平南境。

水經注所謂鮑邱水出禦夷北塞中是也。自古北口西流入密雲縣界，卽折而西南，至縣東南，與白河會。明時潮白兩河猶分流會於牛欄山下。自嘉靖三十四年，遏潮河不使人順義境，由密雲合白河。於是牛欄山以上潮河故道遂爲白河所經。據此是密雲以北二水分流，密雲以南舊時猶分，今滙爲一矣。

〔增〕乾隆二十九年御製潮河詩 白河過浮橋，庠奚歷迤邐。潮河帶城南，弗渡遵其涘。近郭列市廛，枕堰非高峙。緩急何所賴？尋思蓋久矣。謀安民自知，寧必更張屢。叶洶湧奔新漲，竹箭莫喻駛。昨晚東北雷，聞聲今見爾。

〔臣等謹按〕潮河御製詩，恭載首見之篇，餘不備錄。

〔補〕余有丁密雲縣疏河記 密雲巖邑，王畿之左輔也。城東爲潮河，出孤山，折而東注，西則白河會之。歲甲寅秋大雨，兩河離常流夾城而下，城受齧。中丞劉公開府於是，謀於中丞楊公、都護戚公、憲使王公，析渠引河，陳畚鍤，具甃勢，積土塗，繕城堡，不匝月而工成。計東隄三百五十餘丈，西一百餘丈，高各三丈五尺。余文敏集

密雲東北九十五里潮河崖有潮河神祠。密雲縣册

〔臣等謹按〕潮河神祠，乾隆十七年勅建。

潮河浮橋在南天門之麓。密雲縣册

〔臣等謹按〕潮河由喀喇河屯入古北口，經柳林曲至南天門，四山環束，波流迅駛，每歲秋獮木蘭，乘輿過此，例造正副浮橋以渡。南天門勅建觀音寺，寺旁精舍御書額曰攬勝軒，御製詩篇恭載卷內。

乾隆六年御製南天門觀音寺遙望詩 古刹禮大士，虛堂息勞身。旋起憑欄望，舊徑還如新。谷轉見行騎，山高截片雲。是時秋始孟，綠樹猶繁紛。兩山關仙境，一路無纖塵。裊裊旌旆影，隱現出嶙峋。逸興一以暢，轉益憂懷頻。念彼隨從者，跋涉良苦辛。乾隆八年御製攬勝軒小憩詩 偶來精室憩征鞍，窗啓嵐光送曉寒。谷裏蜺旌烟裏度，座中羽騎畫中看。盤盤古柏陰猶翠，的的秋英露未乾。不向空王陳罪福，閭黎空自羨人檀。

乾隆十七年御製南天門詩 牝谷晨行衝曉靄，是處淙淙鳴石瀨。迴谿複嶺數十盤，蓮宮始見青雲外。到來初地空塵心，憑虛萬景窗前繪。舉鞭旋復度巖扉，真教隔絕仙凡界。天關虎豹信森嚴，此或當然我所戒。

乾隆二十九年御製攬勝軒放歌 北河澗接南河澗，谷中曉氣金風翻。須臾日出高峯朗，跋馬真是弋天門。橫嶺入雲，潮河帶其下，俗名南天門，軒在寺旁。祇園左側有精舍，我向名之攬勝軒。每來憩坐必攬勝，縈青繚白羅嶂嶂。傑池夏木猶餘翠，低蕤高葉紛繚帶。九閭何必守虎豹？夔夔爲憶三閭言。

〔臣等謹按〕南天門御製諸詩，謹繹有關紀述者恭載卷內，餘不備錄。

三城水出白里山，西逕三城，謂之三城水。又逕香陁山，又西逕石窟南，又西北逕伏

凌山南，與石門水合，又西南逕獮平城東南，而右注鮑邱水。

水經注

漁水出漁陽縣東南，平地泉流，西逕漁陽縣故城南，城在斯水之陽，故名，又西南入

沽水。

同上

黃門子河在縣東九十里，源出黃門關口，泉水西流入潮河。

大清一統志

湯河在縣東北七十里，源出司馬臺關口泉，南流西折貫古北營城中西出，又南入潮

河。

同上

白馬關河在縣北一百里，源出口外，自馬關口東流入界，南流入白河。

同上

馮家峪河在縣北九十里，源出口外，自馮家峪流入白河。

同上

水峪河在縣北三十里，源出口外，自水峪口流入白河。

同上

●黑城川在縣北四十里平頂山，後唐之鎮遠軍也。

密雲縣志

●要水出塞外，三川並導，謂之大要水，東南流逕要陽縣故城東。本都尉治，王莽更之曰要術矣。

水經注

●乾塔河在縣東北一百四十里，源出口外，自黑峪關流入，西流逕古北城內，會清水河，又西南入潮河。

大清一統志

●濡河東出峽，入安州界，東南流逕漁陽白檀縣故城。地理志曰：濡水出縣北蠻中。漢景帝詔李廣曰將軍其帥師東轅弭節白檀者也。

水經注

〔臣等謹按〕此條沿水經之誤，以濡水爲經密雲。御製熱河考並灤河濡水源考證，釐訂原委，密雲之並無濡水明甚，詳前潮河條下。

●渤海泉在縣東三十里，泉涌如珠，時有雲氣。皆有清修寺，唐建，成化間修。谷壽寺在縣東三十里，元建。

密雲縣志

●縣東北六十里爲石匣城。

昌平山水記

〔臣等謹按〕石匣城，明弘治十七年巡撫洪忠建，築土城周四里有奇。嘉靖四十五年，改築石城，修撰陸泰有記。本朝特設副將駐守。東北三十三里爲古北口，凡古北口事蹟並御製詩篇謹詳邊障卷內，茲不複綴。

聖祖御製石匣營作 青嶺橫峯蔭薜蘿，時方小暑綠新荷。蒲編詩興光巖穴，虎士桓桓扣角歌。

石匣東南渡潮河十五里爲石盆谷，有龍潭。潭上石如盆形，水懸崖而下入於潭，潭外爲盆，水從潭面歷盆，抵峽而下，數里入於潮河，有龍宅焉，其深無底。潭中有石門，水淺則見，土人曰龍所從出入也。上有廟，距縣東北五十里。

昌平山水記

〔臣等謹按〕石匣龍潭神祠，乾隆四十三年奉勅修建。祠前坊座，南面額曰石林水府，北面曰雲影天光。殿內御書額曰普澤昭靈。聯曰：宅勝境而靈，川渟嶽峙；潤羣生者廣，雲行雨施。皆御書。並御製龍泉寺瞻禮詩恭載卷內。

乾隆四十四年御製龍泉寺瞻禮二十韻 石匣白龍潭，舊傳爲靈境。往來每遙瞻，瓣香

遣致敬。叶昨歲夏值旱，特以專官請。

昨夏久不雨，適召見攝京兆事胡季堂，詢其田禾情形，據奏農民望澤甚切，若即得透雨，尚可收，並奏及石匣龍潭向來禱雨輒應。

即命其親往誠請。翊日甘霖大沛，遠近均霑，禾稼頓覺亢勃。復命時又奏言潭上祠宇及其前龍泉寺歲久頽圯，特發內帑萬金鼎新之。茲工已落成，因巡幸避暑山莊，便道至祠瞻禮。應禱普被霖，舊

宇因新整。北巡值落成，親詣抒誠秉。取道九松山，東北循山逕。叶近寺趣頓殊，樹密

峯巒靜。三潭疊瀉瀑，尋源更遙迴。石洞竊首潭，其深不可等。想卽神所安，一泓含溟

滓。便風亦不波，雖冬而恒洞。神祠臨峭崖，像設聞欬聲。四圍陡壁間，松柏森勁挺。一

川冰雪飛，五月衣裳冷。所見奇蹟多，似此頗鮮並。祠旁構精舍，以備小憩領。疏窗既

納涼，曲檻堪憑景。無須勞步履，坐攬得全省。意謂此多哉，吾豈爲遊幸？惟祈雨暘時，鴻庥利民永。

〔臣等謹按〕龍泉寺御製詩，恭載首見之篇，餘不備錄。

原金溝館在縣東北四十五里，亦謂之金溝淀。方輿紀要

原檀州五十里至金溝館。將至館，川原平曠，謂之金溝淀，國主常於此過冬。自此入山，詰曲登陟，無復里堠，但以馬行計日，約其里數。王文正上遼事

原獲野館在舊城西門外五里，萬曆二年建。密雲縣志

原共城卽舜流共工之地，在密雲縣東北五十里。方輿紀要

原共城在檀州燕樂縣界。括地志

原漁陽城在縣南十八里，秦郡治此。二世發閭左戍漁陽，卽此城也。方輿紀要

原鯢陽故城在密雲縣南。史記趙世家

原博陸城在縣東南。水經注：洳水出僂奚縣東南逕博陸故城北。大清一統志

原庠奚廢縣在縣東南，漢置，屬漁陽郡。方輿紀要

原後漢曰僂奚縣，晉廢。魏書志，皇始二年置密雲郡，初治提攜城。卽庠奚之謁也。同上

原白檀廢縣在縣南，漢置，以縣有白檀山而名。後漢廢。建安中，曹操歷白檀破烏桓於

柳城，卽白檀故城也。同上

〔臣等謹按〕白檀山今在懷柔縣界。

要陽廢縣在縣東南六十里，漢縣，漁陽都尉治此。方輿紀要

蓋延，漁陽要陽人。後漢書

後漢廢要陽，後魏復置，屬密雲郡，北齊廢。方輿紀要

滑鹽廢縣在縣西北，漢置，屬漁陽郡，後漢縣廢，北魏時有斛鹽戍。孝昌三年，安州

石離、穴城、斛鹽三戍兵反，應上谷賊杜洛周，洛周自松劓赴之。石離、穴城二戍蓋在

斛鹽戍西。同上

滑鹽地宜五穀，有鹽池之利。括地志以上二條原在平谷縣卷內，今移改。

安樂郡舊置安州，後周改爲元州。開皇十六年州徙，尋置檀州。隋書

柳應芳陪張尚書登檀州北城樓作。縱目層樓上，時開旅客顏。山臨燕塞斷，水繞漢城灣。秋色孤鴻外，邊聲萬馬間。令公多暇日，登眺不知還。明詩正聲

安市廢縣在縣東北五十里，漢遼東屬縣，後魏僑置於此。太武帝延和初，置交州治

焉。太平真君二年，改置安樂郡，兼領土垠縣。方輿紀要

後齊廢土垠入安市，後周廢安市入密雲縣。隋書

〔臣等謹按〕舊志，土垠故城在縣東北一百八十里陳宮山下，今人豐潤縣。

●燕樂廢縣在縣東北八十里，漢庠奚縣地。後魏延和九年置燕樂縣，又僑置益州於此。太平真君九年，改廣陽郡。北齊郡廢，以廣興、方城二縣并入。隋大業初，置安樂郡治焉。唐初郡廢，仍爲燕樂縣，屬檀州，亦謂之廣陽城。寶應二年，史朝義敗走廣陽，廣陽不受，卽此。方輿紀要

●燕樂縣初治白檀城，長壽二年移治新興城。舊唐書

●梁乾化三年，晉將周德威伐燕，劉守光奔燕樂被擒，縣尋廢。方輿紀要

●燕樂，漢庠奚縣地，五代時廢爲燕莊，其地平曠可屯。續通典

●元致和初，上都兵入古北口，留重兵於燕樂。方輿紀要

●方城廢縣在縣東北，魏主燾以方城并入密雲，方城蓋慕容燕所置縣，魏主宏於皇興二年置安州，治故方城。同上

●天平中陷，元象中寄治幽州北界。魏書

●普泰初復置方城縣，屬廣陽郡，蓋卽舊城置。北齊廢。方輿紀要

●行唐廢縣亦在縣東，本定州屬縣。同上

●遼太祖掠定州，破行唐，盡驅其民北至檀州，擇曠土居之，凡置十砦，仍名行唐縣。遼史

●龍慶倉在密雲縣。四鎮三關志

●密雲中衛領左右中前四千戶所，與縣同城而居。昌平山水記

〔臣等謹按〕密雲中衛署今廢。

●衛在縣治東，洪武四年建。明一統志

●密雲有太古墓，圍十餘里，高與山等。昔人欲發之，將及墓門，有羣蜂飛出螫人，遂

不敢入。相傳以爲遼太后所葬。燕山叢錄

●龍興寺在縣治北，唐建，太安中重修。明一統志

●龍興寺，元大德丁酉重修，明成化十七年、嘉靖元年又修，俗名錐塔寺。密雲縣志

●祐國寺在縣南十里，至元八年建。同上

●香巖寺在縣東二十五里，元至正年建，內有鴨脚子一株，俗名白果寺。同上

●治山上寺、治山下寺，遼重熙八年建。同上

●崇福寺在縣東北十里栗園莊，元至正年建，明嘉靖年重修。同上

●大安寺在縣東北五十里，舊名白猿院。北齊天保五年建，金承安四年重修。同上

●三教寺在青銅山下，又有卧佛寺，唐建，明嘉靖中重修。同上

●縣故有大悲庵，嘉靖戊子，御史王大用爲赤肚子展居室，改題曰棲真院，大學士夏言

更題其門曰了師庵。同上

赤肚子不知何許人。正德辛未，入密雲城，入豕圈，與豕同眠，無穢氣，人皆異之。

後徙學宮旁，又徙滕家巷居民簷下，壘甌爲井，踞坐，以足頂尾閭，兩拳握六指不放如勾。問之則不言。與之食則食，不食葷酒，不多食，過午則不食。與之衣，則裂之避之；與之貨，則給僧以誦經。赤身翦首，覆以片氈，祁寒盛暑弗侵也。居民市鬻者與之輒多利，競致之。人人寢室如其家，不避婦女。有戲之者，亦躍足昂首，嬉然而笑。置圈園中，數日不食，亦不死。許內臣爲繪象，京師及四方好事者俱呼以仙。嘉靖壬辰春夏大旱，居民強令祈雨，凡八日不食，至五月十二日雨，乃食，十三日又雨，人益異之。赤肚子傳

慶峯觀在縣治南，元建，洪武十六年重修。密雲縣志

清都觀在縣西北十里，大安二年羽士杜宗道建。至元中改洞真宮，洪武二十四年置道

錄司。同上

清都觀在清都山，距縣東北五十里。同上

霞峯觀在縣北四十里，元道士魏志和建，延祐五年周道昌重修。同上

王道亨霞峯觀記。檀州北有水谷，出乾維山谷間，與白水合，中有霞峯觀。國初李尊師結庵此地，弟子魏志和、史志端、李道純力事營造，已又得楊道勉、劉道本，共成之。

○李志寧霞峯觀記。白檀山北曰水谷，表延峯嶺，林木森秀，有宗師霍道隆於延祐二年棲隱其間，建道院一區。既而道友王宏道協謀，經營堂宇，炳煥一新焉。

○乾亨二年十二月，如蒲瑰坂，獵於檀州之南。

史遼

○太平五年八月，獵於檀州北山，射免於平川。

上同

○珠嘉佛紳，薊州猛安人。貞祐二年，爲提控，與同知順州軍州事溫特赫伊扎爾俱守密雲。佛紳家屬在薊州，元兵得之，以示佛紳曰：若速降，當以付汝，否則殺之。佛紳曰：吾事本朝受厚恩，戰則速戰，終不能降也，豈以家人死生爲計耶？城破，死於陣。

伊扎爾被執亦不屈而死。詔贈佛紳開府儀同三司樞密副使，封宿國公，伊扎爾鎮國上將軍順州刺史，命樹碑以時致祭。

金史忠義傳按：珠嘉舊作朮甲，從八旗姓譜改正。佛紳，滿州語柄也，舊作法心。伊扎爾，蒙古語根源也，舊作咬查刺。今俱譯改。

○錢藻備兵密雲，有二京軍劫人於通州，獲之，不服，州以白藻。二賊特爲京軍，出語無狀。藻乃移甲於大門之外，獨留乙鞫問數四，聲色甚厲，已而握筆作百許字，若錄乙口語狀，遣去。隨以甲入，給之曰：乙已吐實，事由於汝，乙當生，汝當死矣。甲不意其給也，忿然曰：乙本首事，何委於我？乃盡白乙首事狀。藻出乙訟之，遂論如法。

智囊

○永樂十五年十一月，金水河太液池冰，凝結衆像，態狀奇巧。其時密雲亦獻瑞冰如水晶，含玉者凡七，與金水河所結無異。

泊庵集

欽定日下舊聞考卷一百四十二

京畿

平谷縣
僑治附

平谷縣在薊州城西北八十里。明一統志

〔臣等謹按〕平谷縣元明俱屬薊州，本朝始改隸順天府，又考縣志，稱在薊州城西北九十里，與今驛路相符，舊志誤。

平谷縣在順天府東北一百五十里，東西距四十五里，南北距五十里。東至薊州界三十里，西至三河縣界十五里，南至三河縣界二十五里，北至密雲縣界二十五里，東南至薊州界六十里，西南至香河縣治九十里，東北至薊州界四十里，西北至密雲縣界九十里。大清一統志

漢置平谷縣，屬漁陽郡，在今通州北，晉廢。今縣本唐漁陽縣之大王鎮。方輿紀要

漢置平谷縣，屬漁陽郡，晉初省，後復置。後魏太平真君七年，省入潞縣，後改入漁陽縣。大清一統志

平谷金大定二十七年，以漁陽縣大王鎮陞。

金史

〔臣等謹按〕金史地理志作平峪。問奇集云，峪讀如裕；平谷，縣名。

元至元三年，并入漁陽縣。十三年復置縣，屬薊州，明因之。

清類天文分野之書

〔臣等謹按〕元史作至元二年。

縣治在東街，洪武初建。

平谷縣志

平谷縣治舊無城，永樂二年營州中屯衛自塞北徙入，安置平谷縣，城始建焉。是時草

創，未甃以甃。成化丁亥，始以甃石包砌，高二丈五尺。兵部尚書淳安商輅作記。嘉靖

壬子重修，河南按察副使邑人王鏜作記。嘉靖癸亥，撤舊城而新之，增崇五尺，四門各

建以樓。東曰挹盤，西曰拱辰，南曰迎洵，北曰威遠。翰林院編修蒲坂張四維作記。同上

隆慶二年，濬濠池，比舊深丈餘，濶半之。東西二門添置弔橋。

同上

平谷縣城周三里，門四，濠廣二丈。

大清一統志

〔臣等謹按〕平谷縣城於乾隆三十三年興修，至三十六年告竣。

乾隆三十四年御製平谷道中作。背指岡巒谷就平，烟郊靄靄暢新晴。村民知我重農意，叱犢扶犁不輟耕。春日遲遲喜載陽，脫輕毳欲換綿裳。六朝來往於何異？麥隴綠

深苗且長。老幼扶攜出縣城，相親到處愛民情。圖其安樂無多巧，政簡還教官吏清。

〔臣等謹按〕平谷道中御製詩，恭載首見之篇，餘不備錄。

文彭平谷道中作 奉檄趨平谷，西風送馬蹄。秋深衰柳變，日落晚山低。荒草平原合，黃雲入望迷。邊城烽火息，野老自提携。 文博士集

商輅平谷縣新城記 平谷縣在薊州治西北八十里，西連密雲古北口，東接山海，道經遼東，北臨極邊諸山。永樂初，置營州中屯衛，蓋重鎮也。縣故有土城，歲久頽圯。巡撫都御史閻本謀諸總兵焦壽、參將劉輔，疏請於朝，得允。爰命衛指揮袁忠督軍夫增築之，周圍六百丈。城外爲塹，沿塹植榆柳萬株。經始於成化丁亥四月，訖工於明年二月。 商文毅集

張四維平谷縣修城記 平谷，古漁陽地，北臨大漠。城郭溝池所以爲防禦計者，視內地爲急。然介在四山中，烽警視諸邊差少。是以守土者易焉，備禦日疏。縣舊有城池，歲久夷陲，攀堞往來，不異達道。知縣事任彬思與葺之，值歲侵財，詎未能也。癸亥冬被兵，君率士民設方略固守，得免於危。兵既解，君乃延縣之巨室閭長黨正，喻以將有事城池，爲扞禦永策。衆驩然稱便。於是諏日戒工，城以丈計，凡周六百五十，撤而修之者過半，舊崇二丈二尺，增築五尺。又於城四門各樹以樓廬，其東曰挹盤，西曰拱辰，南曰迎洵，北曰威遠。城隅增舖舍四。又濬其隍丈餘，沿塹悉植以柳。當四門之衝，置便橋焉。經始於甲子閏二月，竣於是歲六月，凡五閱月而工成。 條麓堂集

儒學在縣治南，建於金，增修於元至正間，有洵陽逸士納琳布哈記。 平谷縣志 按：納琳布哈納琳，蒙古語細也，布哈，犍牛也，舊作納憐不花。今譯改。

納琳布哈明倫堂記 元列聖相承，百務俱興，尤加意者，詔令國郡州縣設立學校。平谷，薊郡之屬邑，京師之僻徑也。己巳年，監察御史鄭立建加號碑，設學田。丙子歲，主簿范恕教諭張貴協謀構明倫堂治學官居舍。戊寅，教諭胡從先鑄尊鼎，飭籩豆，九經史籍，煥然一新，上供釋奠，下資諸生講習。此數君子創作於前，可謂能矣。迨甲申，劉元皓建學門屏，增廣田畝，立故金國張侯建廟記以表首創之功。吁！微元皓不能明數君子之功，微數君子不能伸元皓之志，可謂克盡其行所當爲者，予故書之。 匪特叙二三子之功，抑以爲來今之勸。時至正七年丁亥三月丁巳也。 同上

嘉靖二年，增拓縣學，兵備副使台峯熊相作記，嘉靖四十年重修，巡按御史上海秦嘉楫作記。 同上

〔臣等謹按〕平谷縣學，本朝乾隆二十七年重修。

卷一百四十二 京畿